

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj: 39/14), člana 7. stav (b) Pravilnika o postupku direktnog sporazumu („Službeni glasnik BiH“, broj: 90/14) i Pravilnika o postupku direktnog sporazuma Centralne harmonizacijske jedinice broj: 04-1-02-2-62-1/15 od 18.02.2015. godine, a nakon provedenog postupka javne nabavke putem direktnog sporazuma za pružanje usluga kasko osiguranja službenog automobila VOLKSWAGEN PASSAT B8 2,0 TD BMT COMFORTLINE DIESEL za potrebe Centralne harmonizacijske jedinice Ministarstva finansija i trezora Bosne i Hercegovine, zaključen je:

U G O V O R

o pružanju usluga kasko osiguranja službenog automobila VOLKSWAGEN PASSAT B8 2,0 TD BMT COMFORTLINE DIESEL

Centralne harmonizacijske jedinice Ministarstva finansija i trezora BiH

Između:

- 1. Centralne harmonizacijske jedinice Ministarstva finansija i trezora BiH, Trg Bosne i Hercegovine 3, Sarajevo, koju zastupa direktor Vladimir Stanimirović (u daljem tekstu: Ugovarač osiguranja)**
- i**
- 2. „SARAJEVO-OSIGURANJE“ d.d. Sarajevo, Maršala Tita 29, Sarajevo koju zastupa direktor Arif Kulić (u daljem tekstu: Osiguravatelj)**

Član 1.

Predmet ovog ugovora je pružanje usluga kasko osiguranja službenog automobila VOLKSWAGEN PASSAT B8 2,0 TD BMT COMFORTLINE DIESEL za potrebe Centralne harmonizacijske jedinice Ministarstva finansija i trezora BiH, a u skladu sa Ponudom Sarajevo osiguranja d.d. broj: 05-156/22 od 22.07.2022. godine.

Član 2.

Ugovorena ukupna premija osiguranja iznosi 1.167,80 KM i odnosi se na usluge potpunog kasko osiguranja bez franšize sa uključenim dopunskim rizikom krađe bez franšize.

Član 3.

- 1) Osiguravatelj će Ugovaraču osiguranja ispostaviti fakturu u skladu sa izdatom Policom osiguranja po cjelokupnom iznosu osiguranja iz ovog ugovora.
- 2) Plaćanje usluge izvršit će se putem ISFU sistema u roku od 15 dana od datuma prijema originalne fakture dostavljene od strane Osiguravatelja.

Član 4.

Osiguranje važi od 00:00 sati dana koji je početak osiguranja, a prestaje u 24:00 sati dana koji je u polici naveden kao dan isteka osiguranja.

Član 5.

Osiguravatelj se obavezuje na nepromjenivost ponuđene cijene.

Član 6.

U slučaju nastanka štete obje ugovorne strane dužne su se pridržavati propisanog u Uslovima za kasko osiguranje cestovnih vozila Sarajevo osiguranja d.d., donesenih na osnovu Odluke br. 01-2486/21 od 18.05.2021. godine

Član 7.

Ovaj Ugovor se zaključuje na period od godinu dana, a stupa na snagu danom potpisivanja obje ugovorne strane.

Član 8.

U slučaju neispunjavanja ugovorenih obaveza Osuravatelja, Ugovarač osiguranja zadržava pravo djelimičnog ili potpunog raskida Ugovora.

Član 9.

Odredbe ovog Ugovora ne mogu se mijenjati nakon njegovog zaključenja.

Član 10.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 11.

Na osnovu prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 12.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

OSIGURAVATELJ
„SARAJEVO-OSIGURANJE“ d.d.
Sarajevo



Direktor
Arif Kulić

Broj: 01-3949/22

Sarajevo, 02.08.2022.

UGOVARAČ OSIGURANJA
Centralna harmonizacijska jedinica
Ministarstva finansija i trezora BiH



Direktor
Vladimir Stanimirović

Broj: 04-1-16-10- 19-8 /22

Sarajevo, 27.07.2022. godine